



KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 3, No. 2

website: www.geocities.com/navalbec

September 2006



PAMALANDONG SA

EBANGHELYO

Septiyembre 3, 2006: Ika-22 nga Domingo "Sulod sa Tuig"
Basahon : Dt. 4:1-8 / Jm. 1:17-27 / Mk. 7:1-23

Septiyembre 10, 2006: Ika-23 nga Domingo "Sulod sa Tuig"
Basahon: Is. 35:4-7 / Jm. 2: 1-5 / Mk. 7:31-37

Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

Tema: (Basahon human sa mga paambit)

"Nganong ang imong mga tinun-an wala man mosunod sa nabatasan sa atong mga katigulangan, hinoon nangaon sila sa walay pagpanghunaw sa ilang mga kamut?" Mao kini ang reaksyon sa mga Pariseo ug sa mga magtutudlo sa balaod. Sila nagtuman man god sa balaod bisan sa kinagamyang bahin niini.

Wala gisalikway ni Hesus ang ilang maayong tinguha: ang pagtuman sa Balaod. Ang nakaapan lang kay sa ilang pagbansay sa Balaod ilang nahikalimtan ang unsay mas importante: ang kahimtang sa ilang mga kasingkasing; kay ang kasingkasing god mao man ang sukaranan sa atong pagsimba sa Dios sa tibuok natong kinabuhi.

Ang balaod nga wala maghubit sa unsay anaa sa kasingkasing maoy usa ka pagkaaron-ingnon. Nangita lamang kini og kasiguroan nga konohay nagtuman sila sa balaod sigun sa unsay makita apan halayo diay ang ilang kasingkasing sa unsay gipangayo sa maong balaod.

Pamalandongi kini:

Unsa may nagtukmod kanimo sa imong pagtuman sa Balaod sa Dios, kahadlok ba? Basig imo kining gituman aron lang makit-an sa uban.

Kadaghan kita makabati og kaso sa mga bata nga gibilanggo tungod kay buta, bungol ug amang sila sukad sa ilang pagkatawo. Daghan na usab ang mga batid nga nagmalampusong mitabang kanilang mga buta, bungol ug amang aron makapadayag sila sa ilang gibati ug gihunahuna ginamit ang mga sinyas. Gani makita nato sa usa ka channel sa telebesyon nga mihubad sa mga salida ginamit ang mga sinyas.

Apan unsa may gihimo nato kon ang mga mata, mga dalunggan ug ang mga dila sa kasingkasing maoy natal-opan? Pila man ka mga tawo, mga managtiayon, mga grupo, mga pundok o mga nasud ang wala na magkasinabot, nga nagbungolay? Nawala na kanila ang pagsalig, ang pagtahuray ug ang pagdawatay sa usag usa diha sa ilang kahuyangan.

Kining maong sitwasyon makatabang nato pagsabot sa gikahulugan niining pagkaayo sa usa ka bungol-amang nga gisaysay sa ebanghelyo karon. Tungod kay ang iyang katagilungsod nangabungol na man ug wala makabati sa iyang mga pagwali ug pag-awhag sa pag-usab sa ilang kinabuhi, si Hesus miadto sa teritoryo sa mga pagano. Ug didto iyang giablihan ang ilang mga dalunggan ug iyang gilugan ang ilang mga dila.

Buot siya nga makabati kita ug makaapil nianang "pagpakighinabi sa kaluwasan," ang pakighinabi nga nasugdan sa dihang gibunyagan kita. Kanila nga mga sirado – ang mga datu, ang mga gamhanan, ang mga mapahitas-on – nagmando si Hesus: Maabli ka!

Kristyano, maabli ka sa pagpamati ug pagdawat sa mga pagtulun-an sa Ebanghelyo. Maabli ka sa paghisgot sa imong pagtuo nga makita sa tibuok nimong kinabuhi; sa ingon ang tibuok kalibutan magdayeg sa pag-ingon: Maayong pagkabuhat niya ang tanang butang."

Pamalandongi kini:

1. Ikaw, usa ba sa nakigbungolay sa imong isigkatawo?
2. Sa imong pagsimba, bukas ka ba sa pagpamati ug pagdawat sa mga pagtulun-an sa ebanghelyo? Bukas ka ba sa pagtug-an ug pagsaksi sa imong pagtuo?

Septiyembre 17, 2006: Ika-24 nga Domingo "Sulod sa Tuig"
 Basahon : Is. 50:4-9 / Jm. 2:14-18 / **Mk. 8:27-35**

Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

Tema: (Basahon human sa mga paambit)

Kinsa ba si Hesus? Sa panahon ni Hesus diha nay mga tawo nga nangutana kon kinsa siya. Ang pipila – bisag nahangangha sila sa gahum sa iyang mga pulong – miingon: “Siya mao ang anak sa panday.” Sa uban giisip siya nga maluibon ug rebelde. Gani giisip man usab siya nga giyawaan. Apan may pipila usab nga miisip niya nga usa ka propeta. Alang kang San Pedro tataw kaayo kon kinsa si Hesus. Siya mao ang Mesiyas. Siya mao ang manluluwas, ang manunubos sa Israel. Bisan sila nga miila kaniya nga Mesiyas, lahi ra ang matang sa pagka-Mesiyas ang ilang pag-isip kaniya. Sa dihang gibutyag ni Hesus ngadto sa iyang mga tinun-an ang mahitungod sa iyang pagadangatan nga mao ang krus. Misupak si San Pedro ug dihadaha gibadlong siya ni Hesus: Ang imong ideya sa Mesiyas tawhanon ra kaayo ug dili iya sa Dios!” Si Hesus dili mao ang politikanhong Mesiyas nga ilang gipaabot. Dili gayod mahimong iapil si Hesus sa mga tawhanong panghunahuna.

Kun ang gitagaan natog pagtagad mao lang ang unsay gisulti sa uban mahitungod kang Hesus, nan, sama ra nga gihukman na nato ang atong kaugalingon diha sa kanunayng kalibog. Aron matuki nato ang iyang misteryo, kinahanglang dawaton ta ang personal nga pangutana nga iyang gipasupot nganhi kanato: ;Alang kanimo kinsa man ako?”

Ang pagtigum sa mga butang mahitungod kang Hesus didto gayod makahulip sa personal nga pag-ila ug pagsinati kang Hesus ug sa iyang krus. Ang krus mao ang sukdanan alang sa mga Kristiyano. Mao kana ang pagsulay nga magmatuod sa atong pagka-tinuod nga tinun-an sa Mesiyas nga sa wala damha nagpahipi diha sa nanag-antus nga sulugoon. Ang pag-ambit sa kinabuhi sa atong gimahal maoy tukmang kahulugan sa panaghigalaay. Alang niining maong panaghigalaay uban kaniya nga kita gitawag ni Hesus.

Pamalandongi kini:

Alang nimo kinsa man si Hesus? Imo ba siyang maangkon nga imong personal nga higala?

Septiyembre 24, 2006: Ika-25 nga Domingo “Sulod sa Tuig”
 Basahon : Ws. 2:17-20 / Jm. 3: 16-4:3 / **Mk. 9:30-37**

Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

Tema: (Basahon human sa mga paambit)

Niining Domingoha si Hesus, ang Anak sa Tawo, misugod paglakaw subay sa dalan padulong sa iyang pagpasakit. Bisan kon ang iyang mensahe nakapatay-og sa iyang mga tuinun-an, iya lang gihapon silang nakabig pagsunod kaniya. Sa walay



KATILINGBAN
 Ang akop nga mensahe sa Dios: Ewangelio, Comunion, EUC, sa parokya sa Wala

TEAM MINISTRY

Team Moderator: Bishop Filomeno G. Bactol, D.D.

Team Members:

- Fr. Marvyn A. Maceda
- Fr. Florencio Gerones
- Fr. Kenneth Hendricks
- Fr. Cornelio Amante, Jr.

Newsletter Moderator:
 Fr. Marvyn A. Maceda

Encoder:
 Vinna Sabroso

Computer Specialist
 Oscar O. Borrinaga

Business Managers:
 Rizalito V. Curso
 Conchita Calvez

PARISH FORMATION TEAM

- | | |
|------------------|--------------------|
| Eudoxia Canonoy | Reymund Icaín |
| Linda Roldan | Jonnel Quilaneta |
| Necitas Casado | Alfredo Olaer |
| Catalina Machete | Alfredo Paghubsan |
| Sonia Pitao | Danny Jayubo |
| Josephine Romero | Gualberto Tonelete |
| | Ramises Bongabong |
| | Jorge Manco |
| | Buddy Castro |

pagkasayod ug pagbuot, sila mamahimong mga mensahero sa nag-natus nga Mesiyas.

Wala kaayo sila makaamgo ni makasabot niini tungod kay sa ilang pagpamauli naglalis man hinoon sila kon kinsa ang labing dako kanila sa umaabot nga gingharian. Kay naanad man sila sa kaubos, gidamgo nila nga maghupot og mas dako, mas taas ug mas gamhanang luna. Apan gipakgang sila ni Hesus sa pag-ingon: "Ang bisan kinsa nga buot nga mahimong labing dako kinahanglang magpaubos ug mag-alagad sa tanan!" Usa kini nga binali nga binase dili sa bisan unsang panghunahuna kondili sa konkretong pananglitan nga kanunayng gihatag ni mismong Hesus, ang nanag-antus nga Sulugoon.

Pamalandongi kini:

Basin baya og manlipaghong sab ka kon ikaw gipangutana ni Hesus sa maong pangutana.

Unsa man gayoy gitinguha sa imong kasingkasing karong tungora? Ang paghupot ba og gahum? Ang pag-angkon ba og dungog? Luyo niining imong mga ambisyon angay hinoon nimong pangutan-on ang imong kaugalingon kon sa unsa mang paagihaa ikaw labawng makaalagad sa imong isigkatawo. Sa unsa mang paagiha ikaw labawng makatabang kanila nga labing nanginahanglan?



Mom: Anak, 'wag kang bibitiw sa palda ko para 'di ka mawala.

Anak: Opo, 'Ma!
(Two hours later ...)

Mom: Mamang Sikyu, may nakita ba kayong bata na may dalang palda?
-oOo-

Pupil: Ma'am makaburot ba sa sarwal ang utot?

Teacher: No, dili! Remember class, bisan unsa ka kusog sa utot, dili ni makaburot sa sarwal.

Pupil: Patay! Tai na gyud ni!
-oOo-

Sa usa ka amateur singing contest.

1st contestant: Ang akong kantahon "Dahong Laya".

2nd contestant: Ang akong kantahon "The Falling Leaves".

3rd contestant: Dili na ko mokanta!

Judge: Ngano man?

3rd contestant: Manilhig na lang ko kay daghan na'g sagbot!



DAOTAN NGA BATASAN

Daghang tawo ang may daotang batasan. May pila niini nga makapalagot, sama sa pagpunay ug yawit o paspas kaayo nga pagsulti. Ang uban mas grabe pa kay niini.

Pananglitan, panid-i ang daotang batasan sa mga tawo sa Israel kanhi. Bag-o lang sila giluwat sa kaulipnan (Exodo 14:30), ug angay unta silang magpasalamat. Hinonoa, misugod silang reklamo ngadto kang Moises ug Aaron. "Maayo pa hinuon kon gipatay kami sa Ginoo didto sa Ehipto" (16:3).

Mabasa ta sa Exodo 17 nga ang ilang pagmulo misangpot ngadto sa panag-away. Sa pagkatinuod, ang ilang mga mulo gitumong ngadto sa Dios, apan si Moises ang ilang giaway kay siya man ang pangulo. Sila miingon "Nganong gidala mo man kami gawas sa Ehipto? Aron ba kami ug ang among mga anak ug ang among mga kahayopan mamatay sa kauhaw?" Ang katawhan misugod sa pagpangutana kon nag-uban ba gayod ang Dios kanila. Apan sa kanunay gihatag sa Dios ang ilang gikinahanglan.

Kon kita matinuoron, angkonon gayod nato nga nagmulo kita usahay kon dili ihatag sa Dios kanato ang atong gipangayo. Pasanginlan ta Siya nga wala Siya mag-uban o nagpakabana kanato. Apan kon ang kasingkasing ta nagtuman sa katuyoan sa Dios inay sa katuyona ta, magmapailubon kita ug mosalig nga ihatag Niya kanato ang tanan natong gikinahanglan. Unya dili nato makuha ang daotang batasan sa pagmulo.

Source: ATONG KALAN-ON SA ADLAW-ADLAW (Vol. 11)

LJC Rice Mill
 Sitio Lupa, Calumpang
& Groceries
 Ground Floor, Naval Mall
 Owned & Managed by:
RAMISES "Bong" BONGABONG

BEC ACTIVITIES

September 2006

CLUSTER FELLOWSHIP

September 2 (1st Saturday)
 CLUSTER FELLOWSHIP
 BEC ILAYA & SMO. ROSARIO
 Cathedral Church
 7:30 PM. – 10:00 PM.

PAROCHIAL FELLOWSHIP

September 16 (3rd Saturday)
 PAROCHIAL FELLOWSHIP
 Brgy. Catmon Chapel
 8:00 AM. – 3:00 PM.

September 17 (3rd Sunday)
 PAROCHIAL FELLOWSHIP
 Brgy. Calumpang Chapel
 8:00 AM. – 3:00 PM.

BEC ANNIVERSARY

BEC SAN JUAN VILLAGE
 September 6, 2006 (Miyerkules)

BEC AGPANGI – II
 (Our Lady of Lourdes)
 September 17, 2006 (Domingo)

BEC UPPER ILAYA
 September 18, 2006 (Lunes)

BEC SITIO COGON
 September 19, 2006 (Martes)

BEC SITIO RIVERSIDE
 September 20, 2006 (Miyerkules)

BEC UPPER CALUMPANG
 September 27, 2006 (Miyerkules)